

خزینہ اوراق

تاریخ تالیس
۱ مایس سنه ۱۲۷

جمعہ ایرتسی

نومرو
۴

عمومی اعتباریله قنونه دائر رساله' ادیده در

آیده درت کره اوله رق جمعہ ایرتسی کونلری چیقار

سماحتلو لطفی افندی حضرتلرینک خزینہ اوراق حقنده
کوستردکلری توجه معارفپورانه لریدر

برک درختان سیر در نظر هوشیار هر ورق دفترست
از حکم کردگار؛ مانجه عقل کوزی آجیق اولنلره کوره
شمس تابان معارف اولدرجه درده جهانک کوزلرینی قاشدرمشدر
که عالمک هر حال و صورت و وضع و هیئتدن حکمتجه نیجه
مسئلهلر مشاهده واستخراج اولمقده و تجارب و اعتباراتی منتج
و باعث دیمدم یاغقده اولان باران فیض حوادث خزان متینه
قلوب اصحاب دققی املا اینمکده در . انسانک کلشن خزینہ
انظار اعتبارینسه دال بوداق صالان شجره طیه معلوماتک
اوراق و آثار نافعده سی او باران دورانک یتشدردیکی شیلدر
بوخوان یغمایی غنیمت بطیوبده قابنی طولدردماقی انسان کامل
ایچون قابل دکلدر چونکه آگاه اولان ادم بو عالم امکانه
قننی شیشه قابل دکلدر . مزرعه قابلیتی اولقدر واسع
و محصورلدارکه هر طرفی تعداده کلز اشجار افکار حقیقت
و انواع ازهار بهار فکرت معرفت و حسن سیرت ایله بزمنش
و ناطور طبیعت زیایش طرح و تنظیمه کرچکدن اوزنمش
برکلستان مزیندر .

اشته (خزینة اوراق) نامیله رهین انکشاف اولان کلدسته
باغ معلومات اومزرعه فیض باقیده برک وشاخ بولان اشجار
محموده سعی وغیرتک یتشدردی غنچهلدندر .

جمع وترتیب وتنظیم وتبویینه وصل قلم همم ایدنلرک
سعیلری مشکور وتزین بهارستان معرفت یولنده اچدقلى
زمین دلشین هنر وکللری دیده حسن قبول عمومی ایله منظور
اولدق سایه معارفوایه حضرت پادشاهیده هوسکاران
اقتطاف ثمرات معلومات ایچون اثرلرینک ادیانده دوام انتشاری
شایان انتظاردر .
لطیف

منیف پاشا حاضر تکرینکدر

مفرح رؤیا کورمه نك چاره سی

عمرنك همان نصفی اویخوده پکوب شوحال ائناسنده گاه
مفرح وگاه مکدر رؤیال کورررز هر نقدر بونلرک ایکیسی دخی
وهم وخیال قیلندن ایسده سوئج وکدر کرک حقیق وکرک
خیالی اولسون بزجه تاثیرلری مساوی اولدیغندن رؤیانك
مفرحلرینی استعجاب ومکدرلندن اجتناب ایلك اهمیتدن خالی
دکدر. هیچ رؤیا کورمیدرک اویوبه ییلور ایسك مزعجلرندن
قورتلش اوله جغیزدن بوده برنعت عد اولنور واکر مفرح
رؤیال کوره ییلور ایسك کار صایلوب تزید مایه سرور وصفا
ایغش اولورز .

بومقصدك حصولیچون اوله مناسب حرکات بدنییده مداومت
وهر حالده کمال اعتداله رعایتله حفظ صحته اعتنا واهتمام